

REGIONAL NEWS UNIT  
ALL INDIA RADIO, AGARTALA

Date: 17-03-2024

Time: 07:55-08:05 PM Hrs  
BENGALI EVENING BULLETIN

Headlines :

- (১) নির্বাচন কমিশন সারা দেশে আদর্শ আচরণবিধি কার্যকর করার নির্দেশ জারি করেছে ।
- (২) পূর্ব ত্রিপুরা লোকসভা আসনে রাজেন্দ্র রিয়াং এবং রামনগর বিধানসভা কেন্দ্রে রতন দাস সিপিআইএম-এর প্রার্থী হচ্ছেন ।
- (৩) শিলচর-আগরতলা এক্সপ্রেস ট্রেনে তল্লাশি চালিয়ে প্রায় দেড় কোটি টাকার ব্রাউন সুগার উদ্ধার ।
- (৪) রাজ্যভিত্তিক অনূর্ধ্ব ১৩ বছরের ক্রিকেট প্রতিযোগিতা আজ থেকে শুরু হল ।

\*\*\*\*\*

**Election Model Code of Conduct:**

সারাদেশে লোকসভা নির্বাচন এবং চারটি রাজ্য বিধানসভা নির্বাচন ঘোষণার সঙ্গে সঙ্গে নির্বাচন কমিশন আদর্শ আচরণবিধি কার্যকর করার নির্দেশ জারি করেছে। মন্ত্রীপরিষদের সচিব, সমস্ত রাজ্যের মুখ্য সচিব এবং মুখ্য নির্বাচনী আধিকারিকদের কাছে লেখা চিঠিতে কমিশন বলেছে নির্বাচন ঘোষণা ২৪ ঘণ্টার মধ্যে সমস্ত দেওয়াল লিখন, পোস্টার বা অন্য কোন ধরনের সরকারি সম্পত্তির অবমাননাকর লিখন সরিয়ে ফেলতে হবে। চিঠিতে আরো বলা হয়েছে, দেওয়াল লিখন বা পোস্টার, হোডিং ব্যানার পতাকার আকারে সরকারের সম্পত্তি এবং রেলস্টেশন ও বাসস্ট্যান্ডের মতো জনবহুল এলাকায় সমস্ত ধরনের রাজনৈতিক বিজ্ঞাপন ৪৮ ঘণ্টার মধ্যে সরিয়ে নিতে হবে। ব্যক্তিগত সম্পত্তিতে প্রদর্শিত সমস্ত অননুমোদিত

রাজনৈতিক বিজ্ঞাপন নির্বাচন ঘোষণার ৭২ ঘণ্টার মধ্যে সরিয়ে ফেলতে হবে। কমিশন আরো বলেছে, যেকোন রাজনৈতিক দল, প্রার্থী বা নির্বাচনের সাথে যুক্ত অন্য কোন ব্যক্তি নির্বাচন সম্পর্কিত অফিসিয়াল দায়িত্বে পালনকারী কর্মকর্তা ছাড়া প্রচারের জন্য সরকারি যানবাহন ব্যবহার সম্পূর্ণ নিষিদ্ধ থাকবে। কমিশন আরো জানিয়েছে, নির্বাচনী রাজ্যগুলির ওয়েবসাইট এবং কল সেন্টারের উপর ভিত্তি করে অভিযোগ প্রতিকারের ব্যবস্থা থাকবে কল সেন্টারের টোল ফ্রি নাম্বার ১৯৫০। নির্বাচনী কর্মকাণ্ডের প্রচারের উদ্দেশ্যে প্রয়োজনীয় তথ্য রেডিও, টিভি ও সরকারি চ্যানেলের মাধ্যমে ভোটার শিক্ষা সামগ্রিক প্রদর্শনের জন্য প্রচার করা হবে।

\*\*\*\*\*

#### **Press meet-DM Gomati District:**

আসন্ন নির্বাচন সুষ্ঠুভাবে সম্পন্ন করার লক্ষ্যে গোমতী জেলায় সব রকমের প্রস্তুতি নেওয়া হচ্ছে। গোমতী জেলার জেলাশাসক তথা জেলা নির্বাচন আধিকারিক তড়িৎ কান্তি চাকমা আজ এক সাংবাদিক সম্মেলনে একথা তিনি বলেন, গোমতী জেলায় লোকসভা দুটি আসনে দুই ধাপে নির্বাচন অনুষ্ঠিত হবে। পশ্চিম ত্রিপুরা লোকসভা আসনে ১৯ এপ্রিল এবং পূর্ব ত্রিপুরা আসনেভোট গ্রহন হবে ২৬ এপ্রিল। এই দুই কেন্দ্রের মধ্যে গোমতী জেলায় সাতটি বিধানসভায় মোট ভোটার ৩ লক্ষ ৪৪ হাজার ৯১২ জন। তিনি বলেন, জেলায় মহিলা পরিচালিত ১৭টি ভোট কেন্দ্র থাকবে। প্রতিটি ভোট কেন্দ্রে সিসি টিভি ক্যামেরা থাকবে।

জেলা পুলিশ সুপার নামিত পাঠক জানান, গোমতী জেলায় অতি স্পর্শকাতর ভোটকেন্দ্র চিহ্নিত করা হয়েছে নয়টি। প্রত্যেকটি বিধানসভা এলাকায় দুটি করে মডেল ভোট কেন্দ্র থাকবে। তিনি আরও জানান, ভোট শান্তিপূর্ণ সম্পন্ন করার লক্ষ্যে পুলিশ প্রশাসনের তরফ থেকে যাবতীয় ব্যবস্থা গ্রহণ করা হয়েছে। আজকের সাংবাদিক সম্মেলনে অন্যান্যদের মধ্যে উপস্থিত ছিলেন অতিরিক্ত জেলাশাসক সুমিত লোধ সহ জেলার অন্যান্য আধিকারিকগণ ১

\*\*\*\*\*

**Press-Meet-Kailashahar:**

এদিকে, ঊনকোটি জেলাতে আসন্ন লোকসভা নিৰ্বাচনপৰ্ব সুষ্ঠ ও শান্তিপূৰ্ণ করতে প্ৰয়োজনীয় উদ্যোগ নেওয়া হয়েছে। কৈলাশহরস্থিত ডি, এম কনফাৰেন্স হলে এক সাংবাদিক সম্মেলনে এ বিষয়ে আলোকপাত করা হয়।

জেলা নিৰ্বাচনী আধিকারিক তথা ঊনকোটি জেলার জেলাশাসক দিলীপ কুমার চাকমা জানান, ঊনকোটি জেলার ২২৫ টি পোলিং বুথের মধ্যে আটটি বুথ থাকবে মহিলা পরিচালিত। আটটি বুথকে করা হবে আদৰ্শ পোলিং বুথ। তাছাড়া চারটি বুথ হবে দিব্যাঙ্গজন ভোটকৰ্মী পরিচালিত বুথ।

সাংবাদিক সম্মেলনে পুলিশ সুপার কান্তা জাঙ্গির জানান, জেলার তেরোটি নাকা পয়েন্টে নিয়মিত চেকিং করা হচ্ছে। ঊনকোটি জেলার ২২৫ টি বুথের মধ্যে ২৫টি স্পর্শকাতর বলে তিনি জানান।

সাংবাদিক সম্মেলনে উপস্থিত ছিলেন, অতিরিক্ত জেলাশাসক প্ৰদীপ কুমার দেব, অৰ্ঘ্য সাহা প্ৰমুখ।

\*\*\*\*\*

**CPIM Press Meet:**

পূৰ্ব ত্ৰিপুৰা লোকসভা আসনের নিৰ্বাচনে সিপিআইএম-এর প্ৰাৰ্থী হচ্ছেন রাজেন্দ্ৰ রিয়াং। সেইসাথে রামনগর বিধানসভা উপ-নিৰ্বাচনে সিপিএম প্ৰাৰ্থী মনোনীত হলেন প্ৰাক্তন বিধায়ক রতন দাস। আজ মেলারমাঠের দলীয় কাৰ্যালয়ে আয়োজিত এক সাংবাদিক সম্মেলনে এই তথ্য জানান, রাজ্য বামফ্রন্টের আহ্বায়ক নারায়ন কর। সাংবাদিক সম্মেলনে সিপিএম রাজ্য সম্পাদক জীতেন্দ্ৰ চৌধুরী বলেন, পশ্চিম ত্ৰিপুৰা লোকসভা আসনের ইন্ডিয়া ব্লকের কংগ্ৰেস প্ৰাৰ্থী আশিস কুমার সাহাকে বাম দলগুলো পূৰ্ণ সমৰ্থন করবে। বিজেপি বিরোধী ভোট যাতে ভাগাভাগি না হয় সেই লক্ষ্যেই দলের তরফে এই সিদ্ধান্ত বলে জানিয়েছেন শ্ৰী চৌধুরী। সাংবাদিক

সম্মেলনে বিজেপি দলের সাথে তিপ্রা মথা দলের জোট ইস্যু নিয়ে সমালোচনায় করেন বাম নেতৃত্ব।

\*\*\*\*\*

**Biplab kumar Deb-BJP:**

সিমনায় পঞ্চবটি কমিউনিটি হলে আজ বিজেপি'র এক বৈঠক অনুষ্ঠিত হয়। উপস্থিত ছিলেন পশ্চিম ত্রিপুরা লোকসভা আসনের বিজেপি দলের প্রার্থী বিপ্লব কুমার দেব, প্রদ্যোত কিশোর দেববর্মন সহ অন্যান্য কার্যকর্তারা। বৈঠকে দলের সাংগঠনিক বিষয়ে আলোচনা হয়।

এদিকে, বড়জলা নতুন নগর রানীর মাঠে আজ ভারতীয় জনতা পার্টির পৃষ্ঠাপ্রমুখ কার্যকর্তা সম্মেলনে উপস্থিত ছিলেন বিজেপি প্রার্থী বিপ্লব কুমার দেব।

\*\*\*\*\*

**B. J. P -Unakoti:**

ঊনকোটি জেলার ফটিকরায় নজরুল কলাকেন্দ্রে আজ B. J. P'র পৃষ্ঠাপ্রমুখ সম্মেলন অনুষ্ঠিত হয়।

উপস্থিত ছিলেন, রাজ্যের মৎস্যমন্ত্রী সুধাংশু দাস, দলের প্রদেশ সহ-সভাপতি, প্রাক্তন বিধায়ক সুবল ভৌমিক, ঊনকোটি জেলার পৃষ্ঠাপ্রমুখ প্রভারী সুকান্ত পাল প্রমুখ। এখানে সাংগঠনিক বিষয়ে আলোচনা ও মতবিনিময় করা হয়।

\*\*\*\*\*

**Election Commission:**

নির্বাচন কমিশন আজ তার ওয়েবসাইটে নির্বাচন বন্ডের উপর সুপ্রিমকোর্টের রেজিস্টার থেকে ডিজিটলাইজড আকারে প্রাপ্ত ডেটা আপলোড করেছে। [www.eci.gov.in/candidate](http://www.eci.gov.in/candidate) পলিটিক্যাল পার্টি এই ওয়েবসাইট থেকে ডেটা এক্সেস করা যেতে পারে। নির্বাচন কমিশনের এক

বিবৃতিতে বলা হয়েছে, সুপ্রিমকোর্টের নির্দেশ অনুযায়ী রাজনৈতিক দলগুলি নির্বাচনী বন্ডের তথ্য বন্ধ খামে জমা দেয়।

\*\*\*\*\*

#### **NSS-Sabrum:**

সাব্রুম মাইকেল মধুসূদন দত্ত কলেজের জাতীয় স্বেচ্ছাসেবা প্রকল্পের সপ্তাহব্যাপী বিশেষ শিবির উপলক্ষে আজ উত্তর ডলুবাড়ি উচ্চ বুনিয়াদি বিদ্যালয়ে স্বাস্থ্য শিবির অনুষ্ঠিত হয়। স্বাস্থ্য শিবিরে এলাকার ব্যাপক অংশের জনগণ চিকিৎসা পরিষেবা গ্রহণ করেন।

আগামীকাল এনএসএস শিবিরের সমাপ্তি অনুষ্ঠান। এই উপলক্ষে সাব্রুম মহকুমা হাসপাতালের উদ্যোগে সচেতনতামূলক অনুষ্ঠান এবং বিভিন্ন প্রতিযোগিতায় অংশ গ্রহণকারী ছাত্র ছাত্রীদের মধ্যে পুরস্কার প্রদান করা হবে।

\*\*\*\*\*

#### **Health Camp:**

বড়দোয়ালীর যুবক সংঘের উদ্যোগে ও মা উষা চেরিটেবল ট্রাস্ট এবং রোটারি ক্লাব আগরতলা সিটির সহযোগিতায় আজ এক মেগা স্বাস্থ্য শিবির অনুষ্ঠিত হয়। স্বাস্থ্য শিবিরে বিনামূল্যে রোগীদের স্বাস্থ্য পরীক্ষা ও ঔষধ প্রদান করা হয়। শিবিরে উপস্থিত ছিলেন আগরতলা পুর নিগমের মেয়র দীপক মজুমদার।

\*\*\*\*\*

#### **BSF recovery:**

বিএসএফ এবং রেলওয়ে প্রোটেকশন ফোর্স যৌথভাবে আজ শিলচর আগরতলা এক্সপ্রেস ট্রেনে তল্লাশি চালিয়ে ২৯০ দশমিক ৫ গ্রাম ব্রাউন সুগার উদ্ধার করেছে। বিএসএফের জন সংযোগ আধিকারিক জানিয়েছেন, কুমারঘাট রেলস্টেশনে ওই এক্সপ্রেসের ট্রেনের সাধারণ কামরায় তল্লাশি করে ছয়টি সাবানের কেইসে ব্রাউন সুগার উদ্ধার হয়। এর বাজারমূল্য ১ কোটি

৪৫ লক্ষ ২৫০ হাজার টাকা। এই ঘটনায় কাউকে গ্রেপ্তার করা যায়নি বলে তিনি জানিয়েছেন।

\*\*\*\*\*

#### **Detain of rohinga:**

আগরতলা রেল ষ্টেশনে আজ জি আর পি থানার পুলিশের কাছে তিনজন রোহিঙ্গা নাগরিক ধরা পড়েছেন। আগরতলা জিআরপি থানার ওসি তাপস ধর জানিয়েছেন, ধৃতরা আগরতলা থেকে ট্রেনে হায়দ্রাবাদ যাওয়ার সময় তল্লাশিতে ধরা পড়েন। ধৃতরা হলেন আব্দুল রশিদ, মোহম্মদ ইউসুফ, মোহম্মদ হামিদ হোসেন। তাদের বিরুদ্ধে বেআইনি অনুপ্রবেশের মামলা নেওয়া হয়েছে বলে ওসি জানিয়েছেন।

\*\*\*\*\*

#### **Killed Bangladeshi Smuggler:**

ঊনকোটি জেলার কৈলাশহর মহকুমাধীন ইরাণি থানার অন্তর্গত সীমান্তবর্তী মাগুরুলি এলাকায় বি,এস,এফের গুলিতে এক বাংলাদেশী পাচারকারী নিহত হয়েছে। পাচারকারীদের আক্রমণে এক B.S.F জোয়ান আহত হয়ে হাসপাতালে চিকিৎসাধীন।

ইরাণী থানার o/c যতীন্দ্র দাশ জানান, আজ দুপুর পৌঁছে দুইটা নাগাদ সীমান্ত পেরিয়ে কয়েকজন সন্দেহভাজন পাচারকারী ভারতীয় ভূখণ্ডে এসে টহলরত 199 নং ব্যাটেলিয়ানের "B" কোম্পানির B.S.F জোয়ান মোহনলালকে আক্রমণ করে। আহত এই B.S.F জোয়ান বর্তমানে কৈলাশহর জেলা হাসপাতালে চিকিৎসাধীন।

খবর পেয়ে অন্যান্য জোয়ানরা এগিয়ে আসে। পাচারকারীদের রুখতে বারো রাউন্ড গুলি চালায় বি,এস,এফ। এরফলে সাদ্দাম হোসেন নামে বাংলাদেশের মৌলভীবাজার এলাকার এক পাচারকারী নিহত হয়। বাকিরা দৌড়ে সীমান্তের ওপারে চলে যায়।

পদস্থ B.S.F ও পুলিশ আধিকারিকরা অকুস্থলে ছুটে গেছেন। সীমান্তে নিরাপত্তা ব্যবস্থা জোরদার করা হয়েছে।

\*\*\*\*\*

#### **Ganja -Bishalgarh:**

বিশালগড়ের ঘনিয়ামারার কাঁঠালিয়াবাড়ি নাকা পয়েন্টে আজ একটি অটো থেকে ৬৬ কিলো শুকনো গাঁজা উদ্ধার করেছে বিশালগড় থানার পুলিশ। থানার ওসি জানান, অটো চালক পলাতক। অটোটিকে বাজেয়াপ্ত করে থানায় নিয়ে আসা হয়। এ ব্যাপারে নেশা বিরোধী আইনে বিশালগড় থানায় একটি মামলা নেওয়া হয়।

\*\*\*\*\*

#### **Blood donation camp:**

দোল পূর্ণিমা উপলক্ষ্যে নিখিল ত্রিপুরা শ্রী শ্রী হরি ভক্তি প্রচারিণী সভার উদ্যোগে আগরতলা সেন্ট্রাল রোড শিব বাড়ি প্রাঙ্গনে আজ স্বচ্ছায় রক্তদান শিবিরের আয়োজন করা হয়। শিবিরের সূচনা করেন আগরতলা পুরনিগমের মেয়র দীপক মজুমদার। তিনি বলেন, রক্তদান করে মানুষ তার জীবনের শ্রেষ্ঠ কর্ম ও ধর্ম পালন করছেন। তিনি বলেন, রক্তের কোনো বিকল্প নেই।

অনুষ্ঠানে অন্যান্যদের মধ্যে উপস্থিত ছিলেন প্রভুপাদ প্রেম গোপাল গোস্বামী, পুরনিগমের কর্পোরেটর রত্না দত্ত। এই শিবিরে মোট ৫৮ জন স্বচ্ছায় রক্তদান করেন।

\*\*\*\*\*

#### **International Women's Day:**

স্পন্দন স্বচ্ছাসেবী সংগঠন ও ত্রিবেনী সংঘের উদ্যোগে আন্তর্জাতিক নারী দিবস উদযাপন উপলক্ষে আজ ত্রিবেণী সংঘ ক্লাব-এ "বাল্যবিবাহের কুপ্রভাব" বিষয়ে সচেতনতামূলক অনুষ্ঠান ও বিনামূল্যে স্বাস্থ্য শিবিরের আয়োজন করা হয়। উপস্থিত ছিলেন মেয়র দীপক মজুমদার, বিধায়িকা

মীনা রানী সরকার সহ অন্যান্য বিশিষ্ট জনেরা । শ্রী মজুমদার বলেন  
বাল্যবিবাহের মতো কুপ্রথা নির্মূল করতে সমাজের প্রতিটি ব্যক্তিকে এগিয়ে  
আসতে হবে।

\*\*\*\*\*

#### **Under 13 Cricket:**

টিসিএ পরিচালিত রাজ্যভিত্তিক অনূর্ধ্ব ১৩ বছরের ক্রিকেট প্রতিযোগিতা  
আজ থেকে একসাথে রাজ্যের বিভিন্ন মাঠে শুরু হয়েছে। আসরের প্রথম  
দিনে মোট সাতটি খেলা হয়। এতে তেলিয়ামুড়ায় অনুষ্ঠিত খেলায় সদর-বি  
১ উইকেটে খোয়াইকে, নেপকো মাঠে মোহনপুর ৮ উইকেটে  
আমবাসাকে, বিশালগড়ের জাঙ্গালিয়া মাঠে সদর-এ ৮ উইকেটে  
সোনামুড়াকে, ধর্মনগরের কলেজ মাঠে স্বাগতিক ধর্মনগর ৬১ রানে  
কৈলাসহরকে, হাফলং মাঠে লংতরাই ভ্যালী ৮৫ রানে গন্ডাছড়াকে,  
উদয়পুরের কেবিআই মাঠে অমরপুর ৯ উইকেটে বিলোনীয়াকে এবং  
বিলোনীয়ায় অনুষ্ঠিত খেলায় উদয়পুর ৯৯ রানে শান্তিরবাজারকে পরাজিত  
করে।

\*\*\*\*\*

#### **Women's Cricket:**

টিসিএ পরিচালিত মহিলাদের আমন্ত্রণমূলক ঘরোয়া টি-২০ ক্রিকেট  
প্রতিযোগিতার আজ পাঁচটি খেলা হয়। এমবিবি স্টেডিয়ামে ক্রিকেট  
অনুরাগী কোচিং সেন্টার ৯ উইকেটে বিদ্যাসাগর প্লে সেন্টারকে এবং এডি  
নগর কোচিং সেন্টার ৮ উইকেটে ভগিনী নিবেদিতা মহিলা সমিতিতে  
পরাজিত করে। এদিকে, তালতলা মাঠে দুটি খেলায় জুটমিল কোচিং  
সেন্টার ৩০ রানে তরুণ সংঘ কোচিং সেন্টারকে এবং অপর খেলায়  
চাম্পামুড়া কোচিং সেন্টার ৬ উইকেটে মৌচাক কোচিং সেন্টারকে হারিয়ে  
দেয়। অপরদিকে, মেলাঘরে অনুষ্ঠিত একমাত্র খেলায় এগিয়ে চলো সংঘ ৮  
উইকেটে নিউ প্লে সেন্টারকে পরাজিত করে।

\*\*\*\*\*

### **Belonia -Senior Cricket:**

বিলোনিয়া মহকুমা ক্রিকেট এসোসিয়েশন আয়োজিত সিনিয়র ডাবল লীগ কাম নক আউট ক্রিকেট টুর্নামেন্টের চতুর্থ ম্যাচে আজ ২ উইকেটে ইয়ুথ ফোরামকে হারায় প্রগ্রেসিভ ক্লাব। প্রথমে ব্যাট করতে নেমে ইয়ুথ ফোরাম ৩৮. ১ওভারে ১৫৮ রানে অলআউট হয়ে যায়। দলের পক্ষে ভুবনেশ্বর সাহানী সর্বোচ্চ ৩৯ রান করেন। জবাবে বিজয়ী দল ৩৯.২ ওভারে ৮ উইকেটে ১৬১ রান করে ম্যাচে জয়লাভ করে। বিজয়ী দলের অনুরুদ্ধ রায় ২৯ রান করেন।

\*\*\*\*\*

### **Super Division:**

টিসিএ পরিচালিত ঘরোয়া সুপার ডিভিশন লীগ ক্রিকেট প্রতিযোগিতার একদিনের সীমিত ওভারের আসরে আজ একমাত্র খেলায় সংহতি ক্লাব জয়লাভ করেছে। নরসিংগড়ের পিটিএ মাঠে সংহতি ক্লাব ৭ উইকেটে স্ফুলিঙ্গ ক্লাবকে পরাজিত করে।

\*\*\*\*\*

\*\*\*\*\*